

Tâi-ōan ê “CHÌAH”

Siān-hî-mî

Khô Gí-sêng

Tí Kiàn-kok 3 lõ ê Kiàn-kok-kiô piⁿ, Ka-lòk-hok(Carrefour) Ài-hô tiàm ê tùi-bîn ū sin khui chit keng chhá siān-hî-mî ê tiàm, sui-jiân sî sin khai-giáp m̄-kú kháu-bî chò kah chin hó, chin-chôe lâng chiâh liáu lóng chin o-ló. Chit keng tiàm m̄-nâ sî siān-hî-mî, iā ū hoe-ki-mî chû liáu iā chin hó, tèk-piát ū chit-hâng môa-iû io-chí hō lí chiâh liáu keh-jit koh ōe siūⁿ beh khì chiâh. Kè-chîⁿ tâi-chiòng-hòa, siān-hî-mî kap hoe-ki-mî chit-hûn lóng 60 kho. Èng-giáp sî-kan sî tionsg-tàu 11 tiám 30 hun kàu 2 tiám, ê-po' sî 5 kàu 9 tiám.

Ká-sú lí nâ chit tîn lâng beh khì chiâh kiaⁿ tán liáu siuⁿ kú, thang tâi-seng kòng ti ân-ōe liân-lòk, hō-bé sî 886-7-2824141, tèk-piát hoan-gêng pháiⁿ-chhùi-táu..ê khì kā chhì khòaⁿ māi. Ú sî 3, 5 pêng-iú sio-chio beh khì phâng-tiûⁿ, khui 1,2 tâi chhia tî hia lóng ū-tàng thêng-chhia. ◆

Chá-tng

Tùi Kiú-jû-lõ óng Kô-san, Chó-iâⁿ hong-hiòng, keng-kòe Kiú-jû Liòk-kiô iok sî 100 kong-chhioh chiâⁿ chiú pêng ū chit keng teh bôe chá-tng..ê. Khâm-páng kiò-chòe Chiu-ka-tâu-leng(周家豆漿). Chit keng ê tâu-leng kap bí-leng chin-chiâⁿ sî phang koh ū i ê gôan-bî. Góa ū chiâh kòe chin-chôe só-châi, kám-kak iā sî chit keng..ê siōng-hó chiâh.

Chit keng ê tâu-leng chû--khì--lâi khah ám, chuí hē khah chió, chò--khí--lâi ê t âu-leng khah phang, khah hó-chiâh. Bí-leng iā sî kâng-khóan, chò kah chin ū khì-bî. Góa tâk pái lóng èng tōa ki ê sok-ka kan-á, tâu-leng kap bí-leng chit hâng bôe 2 kòan tñg-lâi khng tiàm peng-siuⁿ, tâuh-tâuh-á chiâh. Siau-hùi kap it-poaⁿ ê lóng k âng-khóan. Èng-giáp ê sî-kan tùi thàu-chá 6 tiám kàu tionsg-tàu 11 tiám. ◆